



Broj: 02-05-12401-18/17  
Sarajevo, 06.04.2017. godine

Stamp: 12-04-2017

Redni broj	Klasifikaciona oznaka	Redni broj
01-01	34-0865	17

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj: 36/14 - Novi prečišćeni tekst i 37/14 – Ispravka), i člana 4. Zakona o posredovanju u zapošljavanju i socijalnoj sigurnosti nezaposlenih osoba ("Službene novine Kantona Sarajevo", broj: 4/04, 29/09 i 18/13), Vlada Kantona Sarajevo na 78. sjednici održanoj **06.04.2017.** godine, donijela je slijedeći

## ZAKLJUČAK

Utvrđuje se Program o izmjenama i dopunama Programa mjera za podsticaj zapošljavanja i održavanja više stope zaposlenosti u Kantonu Sarajevo u 2016. godini, sa načinom i kriterijima za realizaciju, koji je sastavni dio ovog Zaključka.



Dostaviti:

1. Predsjedavajuća Skupštine Kantona Sarajevo
2. Premijer Kantona Sarajevo
3. Ministarstvo za rad, socijalnu politiku, raseljena lica i izbjeglice Kantona Sarajevo
4. Ministarstvo privrede Kantona Sarajevo
5. JU „Služba za zapošljavanje Kantona Sarajevo“ Sarajevo (putem Ministarstva za rad, socijalnu politiku, raseljena lica i izbjeglice Kantona Sarajevo)
6. Evidencija
7. Arhiva





Broj: 02-05-12401-18.1/17  
Sarajevo, 06.04.2017. godine

Na osnovu člana 4. Zakona o posredovanju u zapošljavanju i socijalnoj sigurnosti nezaposlenih osoba u Kantonu Sarajevo ("Službene novine Kantona Sarajevo", broj: 4/04, 29/09 i 18/13), a na zajednički prijedlog Ministarstva za rad, socijalnu politiku, raseljena lica i izbjeglice Kantona Sarajevo, Ministarstva privrede Kantona Sarajevo i Javne ustanove "Služba za zapošljavanje Kantona Sarajevo" Sarajevo, Vlada Kantona Sarajevo na **78.** sjednici održanoj **06.04.2017.** godine, Zaključka broj: 02-05-12401-18/17 od 06.04.2017. godine donijela je

### **PROGRAM**

#### **o izmjenama i dopunama Programa mjera za podsticaj zapošljavanja i održavanja više stope zaposlenosti u Kantonu Sarajevo u 2016. godini, sa načinom i kriterijima za realizaciju**

#### **Član 1.**

U Programu mjera za podsticaj zapošljavanja i održavanja više stope zaposlenosti u Kantonu Sarajevo u 2016. godini sa načinom i kriterijima za realizaciju, utvrđen Zaključkom Vlade Kantona Sarajevo broj: 02-05-17436-42.1/16 od 19.05.2016. godine, u članu 2. iza tačke 7, dodaju se nove tačke 8. i 9. koje glase:

- „8. Program sufinansiranja samozapošljavanja;
- 9. Program sufinansiranja zapošljavanja „Posao za sve“.“

#### **Član 2.**

Član 3. mijenja se i glasi:

#### **„Član 3.**

Finansijska sredstva koja se utvrđuju za realizaciju Programa iznose 9.243.844,00 KM i obezbjeđuju se u skladu sa finansijskim planovima Javne ustanove "Služba za zapošljavanje Kantona Sarajevo" Sarajevo za 2016. godinu, a raspoređuju se na slijedeći način:

Programi u realizaciji:

1. Program javnih radova – 694.413,00 KM za 450 nezaposlenih osoba;
2. Program obuke, dokvalifikacije i prekvalifikacije nezaposlenih osoba za poznatog poslodavca – 120.241,00 KM za najmanje 80 nezaposlenih osoba (ponavlja se javni poziv za neutrošena sredstva);
3. Program sufinansiranja zapošljavanja "Zlatna značka"- 312.000,00 KM za 20 nezaposlenih osoba;
4. Program sufinansiranja zapošljavanja pripravnika VSS, VŠS, SSS i KV stručne spreme – 3.000.000,00 KM za 475 pripravnika i to: 375 VSS i VŠS i 100 SSS i KV stručne spreme;
5. Program sufinansiranja zapošljavanja pripravnika VSS, VŠS, SSS i KV stručne spreme – 390.600 KM za 56 pripravnika i to: 53 VSS i VŠS i 3 SSS i KV stručne spreme;
6. Program sufinansiranja zapošljavanja "100+" – 999.600,00 KM za 100 nezaposlenih osoba iz ciljne skupine;
7. Program sufinansiranja zapošljavanja „Partnerstvom do novih radnih mjesta“ – 210.200,00 KM za 66 nezaposlenih osoba;

Novi programi:

8. Program sufinansiranja samozapošljavanja – 2.436.790,00 KM za 338 nezaposlenih osoba;
9. Program sufinansiranja zapošljavanja „Posao za sve“ – 1.080.000,00 KM za 300 nezaposlenih osoba.“

### Član 3.

Iza člana 10. dodaju se članovi 10a. i 10b. i glase:

#### „Član 10a.

#### *PROGRAM SUFINANSIRANJA SAMOZAPOŠLJAVANJA*

(1) Cilj ovog programa je pružiti mogućnost samozapošljavanja, nezaposlenih osoba koje su prijavljene na evidenciju nezaposlenih u Kantonu Sarajevo, prije objavljivanja javnog poziva, a koje imaju osnovne pretpostavke za bavljenje samostalnom djelatnošću u Kantonu Sarajevo i koje do sada nisu koristile sredstva za samozapošljavanje od strane Javne ustanove "Služba za zapošljavanje Kantona Sarajevo" Sarajevo i Federalnog zavoda za zapošljavanje.

(2) Prednost pri dodjeli sredstava imaju nezaposlene osobe koje pokreću proizvodnu i turističku djelatnost, djelatnost iz IT sektora (pružanje stručnih usluga) kao i nezaposlene osobe koje će registrovati društvo sa ograničenom odgovornošću.

(3) U cilju provođenja ovog programa Javne ustanove "Služba za zapošljavanja Kantona Sarajevo" Sarajevo će nezaposlenim osobama, koje budu obuhvaćene ovim programom, mjesečno, u trajanju od 12 mjeseci, refundirati sredstva u ukupnom iznosu od 600,00 KM, za isplatu plaća i uplatu zakonom propisanih poreza i doprinosa.

(4) Ovim programom se neće sufinansirati osnivanje udruženja i fondacija.

(5) Nezaposlene osobe koje žele učestvovati u ovom programu dužne su podnijeti:

- aplikaciju na propisanom obrascu sa navedenim osnovnim elementima samozapošljavanja,
- izjavu ovjerenu kod općinskog organa da do sada nisu koristili sredstva za samozapošljavanje od strane JU "Služba za zapošljavanje Kantona Sarajevo" Sarajevo i Federalnog zavoda za zapošljavanje,
- odgovarajuću dokumentaciju kojom se dokazuje: posjedovanje vlastitog poslovnog prostora, zemljišta ili drugih resursa za pokretanje samostalne djelatnosti i uvjerenje da se osoba nalazi na evidenciji nezaposlenih u Kantonu Sarajevo.

(6) Kriteriji za vrednovanje aplikacija su:

- aplikanti koji su na evidenciji nezaposlenih: do 12 mjeseci – 1 bod, od 12 do 48 mjeseci – 2 boda i preko 48 mjeseci – 5 bodova,
- aplikanti koji posjeduju vlastiti poslovni prostor, zemljište ili druge vlastite resurse za pokretanje samostalne djelatnosti – 5 bodova,
- aplikanti koji će registrovati proizvodnu, turističku ili djelatnost iz IT sektora (pružanje stručnih usluga) – 5 bodova, proizvodno uslužno zanatstvo i stručne usluge – 3 boda i ostale djelatnosti – 1 bod,
- aplikanti koji će registrovati društvo sa ograničenom odgovornošću – 5 bodova.

(7) Kod istog broja bodova, prednost se daje aplikantu koji je duže vrijeme na evidenciji nezaposlenih.

(8) Sve nezaposlene osobe kojima budu odobrena sredstva za samozapošljavanje, dužne su pohađati radionicu "Obuka za poduzetništvo" koju organizuje i provodi Javna ustanova "Služba za zapošljavanje Kantona Sarajevo" Sarajevo, a što će se regulisati ugovorom iz narednog stava.

(9) Aplikacije iz prethodnog stava se na osnovu gore navedenih kriterija vrednuju i utvrđuje se prijedlog liste aplikanata za učešće u pomenutom programu. Na prijedlog Upravnog odbora Javne ustanove „Služba za zapošljavanje Kantona Sarajevo“ Sarajevo, ovu listu usvaja Vlada Kantona Sarajevo, a po usvajanju iste Javna ustanova „Služba za zapošljavanje Kantona Sarajevo“ Sarajevo, zaključuje ugovore sa aplikantima čije su aplikacije za učešće u ovom programu prihvaćene.

(10) Ugovorom iz prethodnog stava, uređuju se prava i obaveze Službe i aplikanta, obaveza isplate plaće i zakonom propisanih poreza i doprinosa, obavezu pravdanja pomenutih troškova i dr.

#### Član 10b.

#### *PROGRAM SUFINANSIRANJA ZAPOSŁJAVANJA „POSALO ZA SVE“*

(1) Cilj ovog programa je zapošljavanje nezaposlenih osoba, bez obzira na radno iskustvo, dob i stepen obrazovanja, prijavljenih na evidenciju nezaposlenih u Kantonu Sarajevo, prije objavljivanja javnog poziva.

(2) U tom cilju Javna ustanova „Služba za zapošljavanje Kantona Sarajevo“ Sarajevo će poslodavcima koji budu obuhvaćeni ovim programom, mjesečno u periodu od 6 mjeseci, refundirati sredstva u ukupnom iznosu od 600,00 KM, po novouposlenoj osobi, za isplatu plaća i uplatu zakonom propisanih poreza i doprinosa.

(3) U ovom programu prednost učešća imaju: demobilisani borci, djeca demobilisanih boraca, šehidske porodice, RVI, djeca RVI koja imaju 100 % procenat invalidnosti, djeca dobitnika najvećih ratnih priznanja, civilne žrtve rata i njihova djeca, žrtve nasilja i njihova djeca, osobe koje su na evidenciji nezaposlenih najmanje 24 mjeseca prije objave javnog poziva, bivši štićenici domova za djecu bez roditeljskog staranja, liječeni ovisnici o psihoaktivnim supstancama, pripadnici romske nacionalnosti, djeca i roditelji koji ostvaruju pravo na dječiji dodatak, osobe sa invaliditetom, osobe koje ostvaruju pravo na novčanu naknadu za vrijeme čekanja na zaposlenje, samohrani roditelji, korisnici javnih kuhinja, osobe sa statusom člana domaćinstva u kome ni jedan član nije zaposlen i nezaposlene osobe iz savjetodavnog procesa, a koje imaju individualni plan zapošljavanja sačinjen od strane savjetodavca u birou.

(4) Poslodavci koji žele učestvovati u ovom programu dužni su:

- podnijeti aplikaciju u roku predviđenom u javnom pozivu,
- uz aplikaciju priložiti: rješenje o registraciji u Kantonu Sarajevo, uvjerenje o poreskoj registraciji sa identifikacionim brojem, uvjerenje o izmirenim obavezama po osnovu poreza i doprinosa ne starije od 30 dana od dana objave javnog poziva sa listingom o trenutnom broju zaposlenih (izdat od strane Poreske uprave Federacije Bosne i Hercegovine) i broj računa u banci, sve u originalu ili ovjereojoj fotokopiji,
- Izjava o namjenskom korištenju kreditnih i/ili grant sredstava Federalnog zavoda za zapošljavanje, Javne ustanove "Služba za zapošljavanje Kantona Sarajevo" Sarajevo i ministarstava u Vladi Kantona Sarajevo, ovjereuu kod općinskog organa.

(5) Pravo učešća u ovom programu imaju poslodavci sa većinskim privatnim vlasništvom.

(6) Poslodavci koji redovno ne izmiruju obaveze uplate poreza i doprinosa, ne mogu

učestvovati u programu, osim u slučaju kad poslodavac ima potpisan ugovor sa Poreskom upravom o uplati duga na rate, kao i poslodavci koji nemaju radnika prijavljenih na PIO/MIO.


(7) Kriteriji za vrednovanje aplikacija su:

- Opći uslovi:
  - djelatnost poslodavca: proizvodna i turistička - 4 boda, ostale djelatnosti – 1 bod,
  - poslodavci sa trenutnim brojem zaposlenih: do 5 osoba – 1 bod, od 6 do 15 osoba – 2 boda, od 16 do 50 osoba – 3 boda i preko 50 osoba – 4 boda,
  - poslodavci kod kojih je došlo do povećanja broja zaposlenih u odnosu na prethodni program sufinansiranja zapošljavanja koji su koristili, a koji je okončan – 3 boda,
  - poslodavci koji su osnovani u 2016.godini: 2 boda, ostali poslodavci – 1 bod;
  - poslodavci koji su koristili kreditna i/ili grant sredstva Federalnog zavoda za zapošljavanje, JU „Služba za zapošljavanje Kantona Sarajevo“ Sarajevo i ministarstava u Vladi Kantona Sarajevo, a nisu ispoštovali obaveze u skladu sa zaključenim ugovorima ne mogu učestvovati u ovom programu,
  - Kod istog broja bodova prednost se daje poslodavcu koji trenutno ima veći broj zaposlenih radnika.
  
- Posebni uslovi
  - poslodavci koji su koristili sredstva za sufinansiranje zapošljavanja po bilo kojem programu u prethodne tri godine, a nisu zadržali bar 50% sufinansiranih osoba u stalnom radnom odnosu po okončanju perioda sufinansiranja, ne mogu učestvovati u ovom programu,
  - Poslodavci korisnici ovog programa dužni su u radnom odnosu zadržati postojeći broj radnika koji su imali u momentu podnošenja zahtjeva, uvećan za broj sufinansiranih osoba, osim u slučajevima odlazaka u penziju postojećih radnika.

(8) Nezaposlene osobe nabrojane u stavu (3), moraju biti prijavljene na evidenciju nezaposlenih u Kantonu Sarajevo, prije objave javnog poziva.

(9) Vrednovanje aplikacija se vrši na osnovu utvrđenih kriterija u ovom članu i utvrđuje se prijedlog liste poslodavaca koji će učestvovati u realizaciji ovog programa. Na prijedlog Upravnog odbora Javne ustanove „Služba za zapošljavanje Kantona Sarajevo“ Sarajevo, ovu listu usvaja Vlada Kantona Sarajevo, a po usvajanju iste Javna ustanova „Služba za zapošljavanje Kantona Sarajevo“ Sarajevo, zaključuje odgovarajuće ugovore sa poslodavcima kojima se uređuju prava i obaveze.

(10) Ugovorom iz prethodnog stava uređuju se prava i obaveze Službe i poslodavca, pravo poslodavca za izbor nezaposlenih osoba i obavezu zaključivanja ugovora o radu sa nezaposlenim osobama sa punim radnim vremenom na period od najmanje 6 mjeseci, obavezu isplate plaća i zakonom propisanih poreza i doprinosa za zaposlene osobe, zadržavanje u radnom odnosu isti broj zaposlenika koji je zatečen u periodu od podnošenja zahtjeva do isteka sufinansiranja, obavezu pravdanja pomenutih troškova i dr.“



web: <http://vlada.k.s.gov.ba>  
e-mail: [vlada@vlada.k.s.gov.ba](mailto:vlada@vlada.k.s.gov.ba)  
Tel: + 387 (0) 33 562-068, 562-070  
Fax: + 387 (0) 33 562-211

Sarajevo, Reisa Džemaludina Čauševića 1



Dostaviti:

1. Predsjedavajuća Skupštine Kantona Sarajevo
2. Premijer Kantona Sarajevo
3. Ministarstvo za rad, socijalnu politiku,  
raseljena lica i izbjeglice Kantona Sarajevo
4. Ministarstvo privrede Kantona Sarajevo
- ⑤ Javna ustanova „Služba za zapošljavanje Kantona Sarajevo“ Sarajevo  
(putem Ministarstvo za rad, socijalnu politiku,  
raseljena lica i izbjeglice Kantona Sarajevo)
6. Evidencija
7. A r h i v a



web: <http://vlada.ks.gov.ba>  
e-mail: [vlada@vlada.ks.gov.ba](mailto:vlada@vlada.ks.gov.ba)  
Tel: + 387 (0) 33 562-068, 562-070  
Fax: + 387 (0) 33 562-211  
Sarajevo, Reisa Džemaludina Čauševića 1

